

# كيف أتعامل مع الوالدين بعد الالتزام ؟ (أساسيات الطريق إلى الله)

علاء حامد

الحمد لله وشهاده ان لا الله الا الله وحده لا شريك له وشهاده ان محمدا عبده ورسوله صلى الله عليه وسلم. اما بعد ما زلنا نتكلم في آآ سلسلة أساسيات الطريق إلى الله - 00:00:00

امور ينبغي ان تكون أساسيات في اي واحد يدعى الالتزام او يدعى ان انا مم خلاص انا بقيت ملتزم انا بدأت الطريق. ثم تجد هناك خلل شديد في مسألة معينة وهي من الثوابت. يعني ما ينفعش واحد يبقى ملتزم - 00:00:20

ما بيعملش الحاجة ديت. المرة اللي فاتت اتكلمنا عن حسن الخلق كشيء اساسي في اي واحد عايز يبقى ملتزم بجد لازم يتكلم في المعاملة وفي الاخلاق تعامله مع اخواته في اهله تعامله مع الناس في الشارع في سلوكه في كلامه في اخلاقه آآ عموما ده شيء بيديه ليه ليس الالتزام مجرد الصلاة والصيام - 00:00:36

وهذه الاشياء. قلنا في اخر الدرس ان احنا اهم الدرس ده لو حبينا نطبقه فالتطبيق العملي بتاعه اهم شيء يكون مع اه ومع اب والام. ده اهم تطبيق للدرس الماضي. وقلنا ان احنا المرة اللي جاية نتكلم بقى نركز على قضية التعامل مع الوالدين - 00:00:56

التعامل مع الوالدين على اعتبار ان ديت مشكلة بتقابل اي اخ حديث الالتزام. اول ما بيلتزم بيتدى يحصل آآ مشكلة في البيت دايما في العادة بيحصل مشكلة في البيت. ليه بتحصل المشكلة ديت؟ هي دي القضية اللي احنا عايزين نناقشها ايه؟ نناقشها النهاردة. ليه دايما بيحصل مشكلة مع اب والام بعد الالتزام بعد - 00:01:16

الاخ يبدأ ينتظم في الدروس في المساجد يربى لحيته او الاخت مسلا لبست نقاب راحت دار بدأت تحفظ قرآن ما شابه ذلك بيتدى دايما يحصل صدام عائلي عنيف. رغم ان الولد ده كان محب الى ابيه قبل كده. البنت دي كانت يعني كانوا بيعبوها في البيت جدا. ايه اللي خلى المشاكل تبدأ؟ وازاي انا اتعامل مع - 00:01:36

المشاكل ديت اللي في الغالب بتحصل في كل بيت بدأ في واحد يلتزم او بدأ في واحدة تلتزم. لازم الاول نقسم الموضوع انا بحب انتم عارفين الایه الشجريات دي انا ايه بحب الموضوع دوت. احنا هنفترض الاول ايه كل الحالات في الآخر هنمسمك حالة واحدة يعني - 00:01:56

اول حالة ان انت التزمت واصلا اهلك كانوا ملتزمين. وهم كان حلم حياتهم انك انت ايه تلتزم. فالحالة دي ايه؟ خالص مية مية دي حالة مسالية اصلا احنا مش بنتكلم ايه؟ مش بنتكلم عليها يعني. لأن دي حالة مسالية ان اصلا اهلي ملتزمين المشكلة كانت فيك انت - 00:02:14

يعني هم اصلا بيتحايلوا عليك عشان تبقى ملتزم فربنا هداك وبقيت ملتزم. فانت كده في الليز كده الكلام مش مع الحالة ديت. الحالة الاولانية دي نادرة طبعا. الحالة الثانية اهل مش ملتزمين. بعد ما انت التزمت سبحان الله حبوا الالتزام عادي جدا والتزموا. ودي طبعا حالة مثالية مش ده - 00:02:33

ده موضوعنا. الحالة اللي بعد كده لا انت التزمت هم ما التزموا. انت الوحيد الملتزم في البيت. هم بقى عادي عندهم الزنوب العادية بتاعه اي حد ما يصلوش الفجر احيانا بيترجوا على التليفزيون بيترجوا على الافلام الحاجات اللي هي المعروفة يعني. فهم في عرف الناس مش ملتزمين او في عرف الملتزمين في خلل في البيت - 00:02:53

في آآا الاب في الام هم مش وحشين قوي يعني مش مش مخدرات لأ. بس يعملوا الحاجات الغلط اللي الناس كلها بتعملها. فاحنا مجازا بنسميهم يعني مش ملتزمين او اي يعني تمام؟ هو التزم والبيت فيه مشاكل انت بتلبس ضيق والدته بتلبس مش عارف ايه والده بيشرب سجاير حاجات العيل الموجودة في كل بيت - 00:03:13

طيب احنا هنفترض وده العادي الاخ بيلزم في اسرة في العادة ما بتكونش قوي عندها كل ملامح الالتزام. الاسرة دي بعد ما هو التزم ما التزموش ما تأسروش به او لسه الموضوع مؤقتا يعني ما تأثروش به. هنقسم الموضوع ده لاييه؟ لقسمين. القسم الاول ان هو ما التزموش لكن هم محبين للالتزامه - 00:03:33

هم عارفين ان هم غلط وعارفين ان ابنيهم صح او بنتهم صح. وهو الرجال ده اختار طريق ربنا. وهو يستحمل اختياره وهو يعني قد الموضوع يا ابني انت اللي اخترته ده لو - 00:03:53

انت اخترت الطريق دوت شايف ان كده صح. ربنا يقويك ويسهل لك واحنا معك يعني. ومش هنمنعك من حاجة طالما انت شايف ان كده خير ربنا يوفلك واحنا مش هيضرنا في حاجة التزامك احنا مبسوطين انك انت بقى كويسي. ده برضو الحالة دي حالتك جيدة موجودة ممكن تكون موجودة مش نادرة. في الحالة دي موجودة - 00:04:03

الاهم بيفرحو ان ابنيهم مات اهتدى. قال لك احسن ما يبقى صالح وابتاع. خليه يبقى ملتزم. مش مهم. بس هم في نفسهم يعني لسه القرار ده بالنسبة لهم صعب. فالحالة دي لو موجودة - 00:04:23

كويسي جدا كويسي دي حالة موجودة ممكن تبقى موجودة لزلك دي مش مشكلتنا برضو المشكلة ديت سهلة ان الاهم ما التزموش اه لكن هم مش معادين مش بيعادوك هم محبين للالتزام. ويتمنوا في قلوبهم يبقو زيك بس هم مش هياخدوا القرار ده بسهولة - 00:04:33

يفضل لنا الحالة ان هم انت التزمت في اسرة مش ملتزمة وهم ما التزموش لكنهم معادين بقى. بدأوا يعادوا لاييه؟ الالتزام دي الحالة اللي احنا عايزينها نوصل لها. المعادي للالتزام دوت - 00:04:50

هنطلع منه ايه؟ فرعين برضو. الفرع الاول ان هو معادي بسببك الفرع الثاني ان هو معادي مش بسببك. خلينا نمسك مش بسببك ده عشان ده ساهم يعني. او يعني مش هنتكلم عنه كتير - 00:05:03

مش معادي من غير سبب يعني ايه بيعادل التزام مش بسببك؟ هو اصلا عنده خلفية عن التزام سيئة الاعلام خوفه او اي من الناس الملتزمين دول الملتحين الدروس المساجد عنده اصلا مشكلة في دماغه في الفكر عنده مشكلة هو بيكره - 00:05:19  
التدين بسبب الاعلام. هو بيحب ربنا على فكرة احنا بنفترض في كل ده ان ما فيش حد ما فيش حد بيكره ربنا والا ما يبقاش مسلم يعني. او بيكره الدين مسلا ده نادي يعني - 00:05:36

يعني يكاد يكون غير موجود في المسلمين لكن هو بيكره السورة دي بيعتقد ده مش الدين هو ده مش الدين اصلا اللي انت بتعمله ده مش الدين هو اصلا عنده فهم خاطئ اصلا - 00:05:46

وده من خارج عنك يعني انت التزمت وهو والدك كده ووالدتك كده هم فاهمين الدين غلط شايفين ده مش من الدين. الدين هو اللي احنا بنعمله وخلافه. باخطائنا بعملنا هو ده لاييه؟ الدين الوسطي وده الصح. اي حاجة بعد كده تبقى تشدد. وبعد كده الموضوع بقى بيخش في خطر - 00:05:56

وانك كده يا ابني هتعمل لنا مشاكل وهنعمل لنا مصايب. وبيتدى يحاربك بسبب وهو بيترج الصبح بالليل على الاعلام ويشوف بقى الایه الكلام على الملتزمين والكلام على يعني الاسلام والاسلاميين. وابتدى بقى حالة الرعب اللي بتحصل له في التليفزيون دي. وبيتدى يشوفه في حضرتك بقى اقول ايه. خلقتك وتطلع - 00:06:12

وشه هي عمل ايه يا عم افرغ فيه كل الطاقة اللي خدتها في لاييه؟ في الاعلام ديت. ده بقى امره ايه؟ يعني هنتكلم عنه برضه. بس انا مسلا السبب الثاني ان هو يكون آآ يعني هو شوية هو ما عندهش صورة مشوهة لكن هو عنده ارتباط بين الالتزام والبلاء - 00:06:32  
وهو ايمانه ضعيف يعني خايف عليك. فهو دي مشكلته مع الالتزام. هو هو بتحقق الالتزام عنده هو مش مشوه يعني. بس هو خايف

عليك. هو بيختلف عليك فقال لك لا يا ابني هتللزم نفسك مشاكل يا ابني تجيب لنا مشاكل ويتاع فهو مش عايزة تروح المساجد مش عشان التزام وحش او الملزمين دول فيه صورة مشوهة عنده - 00:06:52

هو شايف ان الموضوع ده طريق خطر في تهديد عليك او تهديد على الاسرة او او فهو خايف عنده خوف يعني ده يدل على ضعف ايمانه. في العادة احنا قلنا الاسرة مش ملتزمة فطبيعي ان هي تكون ضعيفة - 00:07:12

الايمان فهي مش قادرة تستحمل يعني ما عندهاش تعداد تتحمل تبعات ما عندهوش استعداد يسمع ان ابنه مسلا وقف في لجنة ولا ولا استعملوا له استدعاء في امن الدولة - 00:07:25

بيسلموا عليه حتى بس مش هيأزوه ولا حاجة. لأ ما عندهوش استعداد يعني آآآ حد حد يشتم بنته مسلا في الطريق بسبب لبسها او بسبب يعني التزامها ما عندهوش استعداد حد يقطمه ان ابنك عامل كده ليه في نفسه بنتك عاملة كده ليه في نفسها وما عندهوش استعداد يستحمل اي حاجة. فهو هيحاربك مش عشان بيكره الدين ولا اللتزام - 00:07:35

الصورة مشوهة بس هو ضعيف ايمانه. ده قلنا ده مش بسببك برضو دي حاجة خارجة عن خارجة عن ارادتك يعني. او يكون سبب ثالث. السبب ان هو اصلا تعامل مع نماذج مشوهة من الملزمين - 00:07:55

ربنا ايه ابتلاه بواحد بقى ايه بيذيعي اللتزام شيخ نصب عليه بقى واحدة شكلها ملتزم شتمته في الشارع بتاع المهم من ساعتها هو بيكره ملامح اللتزام دي خالص. فلما شاف ابنه كده او بنته كده بدأ يتعرفت ومش عايزة تبقى شبه الناس ديت. هو بقى مش رابطها بالدين خالص. هو شايف ان الشكل - 00:08:09

كل ده بيفكرروا بفلانة او فلانة او بتاع هو بيذيعي عادي الهيئة عموما عشان الموضوع ده بالنسبة له عنده تاريخ اسود في التعامل مع النماذج ديت هو قدره كده يتعامل مع واحد او اتنين بالشكل ده ما نساهمش طول عمره. دي دي المسألة هنتكلم برضو عنها. يعني الكلام اللي هقوله في الناحية الثانية هي تعالج - 00:08:29

الاولانية. اللي هي معادي بسببك بقى يعني معادي من غير سبب دي انت مش تقدر تحلاها يعني حاجة خارجة عن ارادتك يعني. لكن انا كلامي كله في الحنة ديت بقى. طب والحة الثانية ما هي - 00:08:49

اللي هقوله هنا هيمنفع هنا اللي هقوله في في دي هيمنفع في دي. لأن انت هتحل كل المشاكل دي بنفسك. لأنك انت هتبقى جزء من المشكلة يعني لو كان عداهم اللتزام بسببك انت - 00:09:03

يعني هو في الاصل كان عادي ما عندهوش مشكلة مع التدين. وعادي ما عندهوش مشكلة انك انت ملتزم رح المسجد يا عم ان شاء الله يا رب. دقتك اعمل اللي انت عايزة - 00:09:17

بس هو انت اتعاملت غلط بقى في البيت فاديت انطباع سيء جدا عن اللتزام من اول يوم فهو اول يومين بدأ يصطدم معك مرة في الثانية في الثالثة راح بدأ الحرب. هو كان ما كانش ناوي يبدأ الايه؟ المعركة دي خالص. لكن حصلت حاجات منك - 00:09:27

سببت ان المعركة بدأت ودي النقطة الاساسية اللي انا عايزة اركز عليها النهاردة. لأن دي اللي في ايدك لا يكلف الله نفسا الا ايه؟ انا ما اقدر اغير الاعلام ما اقدر اغير المزيعين. ما اقدر اغير - 00:09:47

النماذج المشوهة اللي في الشارع لكن انا اقدر اغير سلوكى انا نفسى انا. ايه هي الحاجات؟ اللي ممكن الملتزم يعملها غلط بيته مع اسرته تؤدي الى العداء دوت. لأن في الغالب يا اخواننا على فكرة الحنة اللي انا هتكلم فيها هي دي الغالب اصلا. هي دي الغالب - 00:09:59

غالب الشكاوى بتدور ورا الاخ تلاقيه هو عنده مشكلة اصلا في البيت. هو عنده مشكلة في التعامل مع اهله. وبالتالي هو اللي سبب العداء ده. وبيذعي بقى يتهمهم هم بقى بيحاربوني - 00:10:19

بيقولوا لي بيقولوا لي ما تروحش الدرس. تقدعد تكش انت تلاقي هو عنده مشكلة في التعامل هو عنده مشكلة في التعامل مع الاب واللام. لزلك قبل ما نبدأ نقف وقفه لطيفة كده مع آآآشياء من كلام السلف رحمهم الله - 00:10:29

نقى قيل ورد عن موسى عليه وعلى نبينا الصلاة والسلام انه رأى رجلا عند العرش رابطا بمكانه من الله. فسأل عنه قالوا نخبرك بعمله؟

قال اخبروني قال لا يحسد الناس على ما اتاهم الله من فضله. ولا يمشي بالنمية ولا يعوق والديه. قال بعض العلماء -

00:10:50

من وقر اباه طال عمره ومن وقر امه رأى ما يسره ومن احد النظر الى والديه عقهما وقال ابن عباس ما من مؤمن له ابوان يصبح ويسمى وهو محسن اليهما الا فتح الله له بابين من الجنة. لذلك كان السلف لو واحد فيهم مات له ابوه ولا امه -

00:11:15

وكان يبكي بكاء رهيب جدا. كما ورد ذلك عن يعني لما ماتت ام اياس بن معاوية اياس بن معاوية لما مات ام بكى بكاء رهيب جدا. فالناس مش متعددين منه على كده - 00:11:42

كده متعددين منه على الجلد يعني. هو كان بيموت له قريب بيموت له بتاع بيلاقوه جامد يعني. فقالوا له يعني النهاردة بالزات انهيار غير عادي يعني فقال كيف لا ابكي؟ وقد كان لي بابان مفتوحان الى الجنة. والان اغلق احدهما - 00:11:52

اغلق احدهما ما ابكيش ازاي؟ هي مش مسألة ام ده انا كنت شايف الام دي كنز انا عايش قاعد انهل منه وقاعد اخد منه ماتت الام من

لي بعد الام؟ من لي بعد الام؟ كذلك فعل رفاعة ابن اياس لما ماتت امه فقال له قبل له لما - 00:12:10

ما تبكي قال وكيف لا ابكي وقد اغلق عنی باب من ابواب الجنة. النصيحة الانسان يغتنم هذه الابواب قبل ان تحرم منها هم عن قريب سيموتون شئت ام ابیت تهل - 00:12:30

من هذين البابين قدر ما تستطيع انهم لن يبقيان لك وقال كعب ان الله ليجعل هلاك العبد اذا كان عاقا لوالديه ليجعل له العذاب ليجعل له العذاب. هل الواحد فينا - 00:12:48

شايف ابوه وامه من ساعة ما التزم شايفهم كده شايف ان هو بعد ما التزم فهم القضية ديت فبدأ يتعامل مع بومه على انه بيعامل مع بابين من الجنة. مع كنوز - 00:13:04

قاعددين معي في البيت كنوز قاعد ياخد منهم على قد ما يقدر قبل ما يموتوا. يا برهם وياحسن اليهم بيبتدي يتعامل بالنزة دي لا هي المشكلة ان الاخ لما بيلتزم بيبتدي يتعامل مع بومه على انهم اعداء - 00:13:14

ان هو اصلا بيفترض ان هم هيعادوني ده ااسي ده ده اللي هيحصل هو متربص بهم. وعارف ان اول ما انا اقول التزم من هنا بيبتدي ايه؟ ليه؟ وفين ومين وبتروح مع مين - 00:13:30

بتمشي مع مين وبتكلم الناس دي. فيبتدئ هو نفسيته عدائة خلاص وابتدا يتعامل معهم على ان هم بقى ايه معادين. الناس دي منافقين. الناس دي مش فاهمين الدين صح. الناس دي عندها - 00:13:40

آآ خلل في الالتزام بيبتدي يتعامل معهم على ان دول يعني ايه ما بيفهموش حاجة ان دول جهله ان دول ايه مساكين والكلام ايه والكلام دوت. فتخيل واحد من النفسية دي اصلا - 00:13:55

ملتزم هو بيبتدي ملتزم يعني هصللي يعني هصوم يعني هعمل ورد يعني قرآن يعني طلب علم ابويها وامي دول جهله وعندهم مشاكل وعاملين مشاكل طول النهار يعني شكلهم كده منافقين. تخيل واحد من النفسية دي بيتتعامل مع اهله من بعد الالتزام - 00:14:05

كل ما يكلموه كلمة طبعا بيهيج بقى الدنيا دي بتتأكد عنده ان هم كده تمام؟ فهو اصلا مش شايف ان الوالدين دول اصلا عبادة ولا بر والكلام ده مش موجود عنده. هو مش شايف الابواب دي خالص الكلام بتاع السلف هو ده مش في حساباته على - 00:14:23

اطلاق ذلك هو الانطلاق اصلا في الالتزام غلط ان هو ما مش شايف ان الكلام مع الوالدين كلام حساس جدا. وان ممكن غلطة بس مع الوالدين تقضي على كل دينك. على كل - 00:14:38

كل التزامك لا ينفعك عمل مع الله سبحانه وتعالى. وممكن العكس حسنة واحدة مع الوالدين تنفك نقلة لا يعلمها الا الله. بل تشيل حاجات كتير جدا من الحاجات الغلط اللي انت بتعملها. حتى لو مش ملتزم اصلا. ايه رأيك بقى؟ احد مشايخنا بيحكي في رحلة عمرة - 00:14:52

فيبيقول جون جينا في ليلة سبعة وعشرين في رمضان. رمضان ليلة سبعة وعشرين اللي هي غالبا تكون ليلة القدر. ليلة سبعة

وعشرين. بيقول بعد التراويف ما خلصت راح الرجال قال صلاة جنازة اثابكم الله. جنازة بعد التراويف. مش متعددين هم بعد التراويف  
يبي فيه جنازة - 00:15:12

فبيقول فايه قال الصلاة على الرجل يرحمكم الله. الشيخ اتجن قال من هزا الرجل رجل واحد واحد بس في ليلة سبعة وعشرين  
يموت. ويتصلى عليه في الحرم بعد صلاة التراويف واحد - 00:15:36

يقول مين ده؟ مين ده؟ اللي ربنا اختاره دونا عن اهل الارض. المفروض في الحرم بيموت بالعشرة وبالعشرين في الصلاة الواحدة  
يتصل على عشرة عشرين ده العادي. واحد رجل واحد وفي ليلة سبعة وعشرين ليه - 00:15:53  
المهم طالع يتجنن من الحرم. قابل واحد قال له عارف مين اللي صلوا عليه النهاردة؟ قال له مين؟ قال له الحاج فلان اللي معنا في  
العمره. قال له يا نهار ايض! فلان معنا في العمره - 00:16:11

بيقول في دماغي لفت. قال لي قال ده كان بيشرب سجائر. هتجنن. الرجال عادي ما فيهوش اي حاجة بيصللي زينا ويصوم زينا  
وبيشرب سجائر اشمعنى؟ هيقول بدأنا ندور وراه بقى. الرجال ده بيعمل ايه؟ بيقول دورنا وراه لم نجد له اي عبادة الا هزه العبادة  
فقط. كان بارا بامه - 00:16:21

جدا كانت امه لو طلبت اي شيء يجيئها لها ولو من اخر الارض وكان ملازمها لها مقبلا لقادمها. وكان رهيب جدا في بئر الام. حتى امه  
مرة لمحت كده ان هي عايزه حزاء. حزاء تلبسه. بيقول - 00:16:43

اشترى لها الحزاء ورجع وحط دماغه على الارض وحط الحزاء فوق دماغه وقال لها خدي يا امي وخليها تاخد الحزام من فوق  
دماغه هو ده هو ده السر. رغم انه بيشرب سجائر - 00:17:01

بس شوف الحركة دي مع الام ممكن مسحت كتير قوي من حاجات كان بيعملها غلط ما بالك لو هو ملتزم بقى اصلا يحصل ايه بقى؟  
يعلى فين ده بقى؟ اذا كان واحد يعني ايه؟ نص نص وحركة مع امه علت قوي معه كده لدرجة ان هو بيصللي عليه في الحرم -  
00:17:24

رحلة تانية برضه كان اخوه من العامرية راحوا ودي صورة انتشرت على الفيس عارفين الاخ اللي مات ساجد بعد صلاة العصر في في  
المدينة كانت الصورة دي من عدة اشهر. ده واحد - 00:17:42

اسكندرية من العامرية وكان طالع مع رحلة انهاي رحلة من اخوانا. الناس مش مصدقين بيقولوا صلوا معه الضهر رجع راح العصر. فين  
يا عم فلان؟ لا هم لقوا صورته على الفيس. هم - 00:17:52

الرحلة شافوه على الفيس قبل ما يعرفه. من سرعة النقل الخبر بيبيص على الفيس فلان مات بيقول ايه ده! مش ده فلان اللي كان معنا  
في الاوضة؟ قال له اه والله ما هو فلان. راحوا - 00:18:02

صلوا عليه وادفنوا بتاع قال له ايه السر اللي وراء الشخص ده؟ لم يجده برضو الا المسألة ديت. كان بارا جدا بامه سمعوا بقى حكاويمه  
بقى عن امه بعد كده. بعد ما مات عرفوا كان بي عمل ايه مع مع ايه مع امه. ربنا اختاره يموت بعد صلاة العصر ساجد في الحرام -  
00:18:12

انا عايز اقول لك ان هي حاجة بسيطة كده مع الوالدين. تعليك قوي تدمرك قوي لازم تحط التصور ده التزامك ما ينفكش عن الوالدين  
ابدا. لزلك احنا بنعتبر ده من الاساسيات - 00:18:33

طيب خلينا نقول اسباب انت ممكن تكون جزء منها. واحد انك انت من ساعة ما التزمت وانت في تدهور في الدراسة فشل دراسي  
 Zaher علىك. فيه ارتباط وسيق بين الفشل الدراسي - 00:18:49

ويبين طلب العلم الجديد بقى. وحرصك على طلب العلم والمسجد والاخوة والدروس والاخوة والدروس والمسجد والشيخ. الحاجات  
دي شغالة طول النهار والدراسة فشل فشل. طبيعي ان اهلك يعادوك. يكرهوا التزامك. ومش عايزين حد يلتزم من اخواتك ولا  
عايزين حد يبقى زيك - 00:19:03

بسبي اللي هم شافوه منك كنت كوييس في الدراسة فشلت ومن ساعة ما التزمت واضح جدا الارتباط الشرطي بين التزامك وبين

فشل في الدراسة. وده مشكلة فيك انت. ليه عملت كده فيهم؟ ليه تفتقنهم؟ ليه - 00:19:25

جبت لهم الازمة ديت دي مشكلة انت السبب فيها المفترض لما تلتزم تتوقع حاجة زي كده التزامك هيأثر في الوقت اكيد لأن انت دلوقتي بتطلب علم بتاع فيبتدئي ان انت لازم تعمل موازنة او تقلل من نومك او تشد شوية في الدراسة علشان هم مستنيين اليوم دوت - 00:19:38

لازم تبقى زكي. هم مستنيين هم ممكن احنا قلنا الاهل في الاول هيعدوها. بعد كده هيستنوك بقى شوفوا النتيجة هتطلع ايه. اول ما النتيجة تطلع هيسيبوك يا حبيبتي الحرب عليك. فكان لازم تبقى زكي - 00:19:55

تبقى عارف انهم مستنيين نتيجتك في الدراسة. فلازم بعد ما تلتزم تشد حيلك اوبي. في الدراسة يمكن اكتر من الاول. ويمكن لو انت كنت فاشرل تبقى ناجح بقى ولو كنت ناجح تبقى ناجح اوبي. او على الاقل لو ناجح ما تنزلش عن المستوى اللي انت معودهم عليه. والا على طول هيحاربوك. آآ بص ساعة ما رحت المسجد بص واقول لك ايه - 00:20:09

لا مسجد ولا دروس ولا بتاع. اقعد بقى ركز في مزاكرك شوية طيب انت الخل التاني ان انت اصلا بتتعامل مع مزاكرة على انها هي ايه؟ الدنيا بقى. خلاص الاخ التزم بقى. واحنا دلوقتي ايه المزاكرة دي دنيا. انا عايز بقى فقهه وعقيدة - 00:20:29

واحفز قرآن وامش مع المشايخ وامش ورح مع الاخوة وتعالى مع الاخوة. مش مهم الدراسة دي نزهت فيها. ليه دنيا بقى ازهد في الدنيا. ده ده غباء غير عادي يعني. ليه؟ لان انت ليه مش مفترض ان المزاكرة دي عبادة - 00:20:44

عبادة ايه يا عم الشيخ؟ الفيزيزا دي تدخل النار اصلا. عبادة ايه دي؟ يعني اتعبد ازاي انا بالكيميا يعني؟ اعمل لها ايه يعني ورد طب ما ايوة ما هي عبادة مش عبادة في زاتها عبادة للننية اللي انت حاططها فيها. انت لو ناوي بالمزاكرة دي انك انت تبر اباك وامك مسلا - 00:20:59

انت ناوي كده. ناوي ان انت لما تزاكر يشوفوك يفرحوا ويتبسطوا يشكروك. يدعوا لك مش دي نية كويسة؟ انت ناوي انك انت تسبت نفسك في الالتزام. انت اما تجيب درجة كويسة انت بتسبت نفسك. لانك انت بتمنع عن نفسك الحرب اللي هتحصل لو نتيجتك بقت كويسة. بتشتري - 00:21:19

من الاخر انك انت اللي هتأزي نفسك بالدرجة ليه؟ بالدرجة الوحشة ديت. انت في مش جابوك وامك بقى بس لا ده في ناس كتير مستنيين اليوم دوت. عشان يشمتوا فيك. يقول لك بص - 00:21:39

فلان من ساعة ما التزم وهو فاشرل اهو في ناس مستنية العكس يقول لك هنشوفه لو حافظ على دراسته وتفوق انا نفسي التزم ابقي زيه. فما تباقاش فتنة للناس اللي ما كانش عايز يتلزم سبته واللي عايز - 00:21:51

يلتزم خوفته. لأنها عايزك تبقى اللي عايز يتلزم شجعنته. قل لي خلي بالك انا يقول لك انت التزمت ازاي وجبت النتيجة ديت؟ انت ازاي جمعت بين الدراسة والمسجد الشيف اسئله كده لما الواحد بيقى متميز في الدراسة. ليه ما تباقاش انت؟ ليه تبقى فتنة للناس؟ مش فتنة لابوك وامك بس؟ والاب والام بيتعرضوا لضغط من الناس كلهم يقول لك - 00:22:05

ابنكم كان كوييس ويبتدي الناس بقى تديهم من ايه؟ من تحت تحت. هم مش هيستحملوا. هيطلعوا كل ده عليك. طب ليه تعمل فيهم كده؟ بقى لازم ايه؟ تتعبد بالمزاكرة. اطحن نفسك ايام الدراسة. تعال في الصيف اطحن نفسك طلب علم شرعى. اطحن نفسك مع الاخوة والاعمال الخيرية وكل حاجة. لكن في الدراسة اعمل موازنة - 00:22:25

يعني مش هنضيع في الفروض خالص ولا هنعمل محركات. لكن النواقل يعني بقدر ما تزودش اوبي بحيس ان انت ما تجييش على المزاكرة قوي. اسمع درس دارسين والله لا اسمع عوض بدل درس في المسجد دارسين على النت عشان ما نستهلكش وقت. آآ ورد القرآن يعني آآ حفظك يقل شوية في الدراسة يزيد - 00:22:45

شوية في الصيف قيام الليل يعني بقى آآ توازن موازنة مش هترحم نفسك من المستحبات لكن ما تباقاش انت بقى ايه مستهلك وقت كله في اعمال تعتبر ان دي اعمال صالحة ومزاكرة دي يعني من اعمال الایه الكفار والمنافقين وده دنيا وما ينفعش ان احنا نزاكر. انت هتدمي نفسك بنفسك لما - 00:23:05

تفشل في الدراسة لما تشوّف السرور اللي على وجه ابيك وامك بعد ما تجيبي الدرجة الكويسة دي هتعرّف يعني ايه عبادة. يعني ايه العبادة؟ العبادة انك انت تشوّف البسمة على وش ابوك وامك. دي - 00:23:25

اعظم عبادة. قال بعض السلف النظر الى الوالدين عبادة. النظر الى الوالدين عبادة. فما بالك بادخال السرور عليهم؟ احب الاعمال الى الله سرور على ايه؟ مسلم. كيف لو كان المسلم ده الاب والام؟ هم يفرحوا بك لما تبقى متفوق في الدراسة اكيد. طيب من الحاجات المشكلة اللي بتحصل ويبيقي انت السبب - 00:23:40

في ان اهلك يعادوا الالتزام. انك انت اول ما التزمت واتعلّمت كلمتين في المسجد ابتدئ انك انت تطلع كل الكلمتين دول عليهم في البيت. بدأت عرفت ان كذا حرام وكذا ما ينفعش وعرفت شوية احكام وشوية احاديس شوية ايات تطلع يا يعني ما تلاقيش زبائن تكلّمهم غير ايه غير الاثنين الغلابة اللي قاعدين في البيت دول. بابا - 00:24:00

السجائر حرام. بابا التليفزيون حرام. ماما بيسك حرام. ماما البسي نقاب. طب بقول لك ايه لا مسجد يابا ولا شيوخ ولا طلب علم. اقعد هنا خليك هنا مع المنافقين والكافرين الله يكرمك. مش ناقصاك. ما هو ده الطبيعي انت متوقع - 00:24:20

منه ايه؟ واحد دلوقتي كان امبارح هو ابوك. خد بالك؟ اقول لك قاعدة. لازم تبقى فاهمها. ابوك عمره ما هيبقى ابنك ابوك عمره ما هيستحمل انك انت تعلّمه الا بقى لو كان واحد يعني بقى ايه قلبه ابيض خالص بقى - 00:24:40

مش هيستحمل انك انت النهاردة تبقى شيخه او استازه او انك انت تيجي النهاردة تقول له انت بتعمل حاجة غلط. هيستحملها من اي حد الا انت. ان هو معتبر ان هو ابوك. انا اللي باقول لك مش انت - 00:24:57

بتقول لي انا اللي امرك مش انت اللي تأمرني. فلازم تراعي الحساسية دي. ممكن والدتك تستحمل منك. يعني يمكن. لكن والدك مش هيستحمل. طب انا اعمل ايه؟ اسيبهم على الغلط؟ لا. انا عايزك - 00:25:07

بتعمل بطريقة اشيك يعني مش هقول يعني ارفق بهم شوية. يعني ايه ارفق اعمل ايه؟ يعني بلاش الدخلة الجامدة دي. يعني بلاش تخشى بابا انت بتعمل حاجة حرام. يعني دي جامدة شوية عليه. يعني تجيبيها بطريقة تانية. واحد بالك؟ يعني مسلا والدك ما بيفصليش الفجر. مش لازم تقول له بابا انت بتعمل كبينة من الكبائر وانت اصلا فاجر وفاسق - 00:25:17

ترك الصلاة في كفر وفي في خلاف كفره. ممكن تقول له يا بابا آآانا نفسى اصحى الفجر انا الدنيا مكعبلة معى. ايه رأيك تصحّيني تقول لو والدتك ماما بقول لك ايه ما تساعديني اصحى الفجر. عارف ان انت ما تصحّيش بس معلش عشان خاطري تعالى على نفسك. انا هااظبط نبه بصي لو ما سمعتوش ايه زقيني كده بس. هتيجي بتاييه - 00:25:37

قاعد معهم مش كده ولا ايه؟ يعني بتبتدي انك انت تخلّي موضوع اقتراحات يعني. اقتراحات آآبابا انا نفسى اانا اليومين دول يعني ربنا هاديني كده ربنا كارمني والحمد لله في حاجات كتير الصراحة كنت غلط بعملها بس مش عايز اقول لك عليها بس - 00:25:57 المهم عايزك تساعدني انا في حاجة كده فاضلة وعندي مشكلة. ايه يا ابني؟ موضوع الافلام والمسلسلات ده الصراحة لما بشوفه الدنيا تبوز معي خالص. معلش عايز الزقة معى كده الله يكرمك. يعني حاول لو انا موجود - 00:26:16

ما تساعدنيش على الموضوع دوت. انت ما تقولوش ان هو بيعمل حاجة ايه؟ غلط. انت هو فاهم انك انت بتعمل عادة سرية بتمشى مع بنات وهو بقى ينفك دلوقتي. موضوع الافلام والمسلسلات دي بيسأر فيك الكليب - 00:26:26

الناس دي بتبهلنني يا بابا. فمعلش دي زق معى زقة كده ساعدني بس. يعني يا ريت ما مش عايز اشوف الایه الحاجات دي في البيت عشان انا بتعجب وبتاع. انت كده حطيته هو - 00:26:36

ان هو بابا دلوقتي. ويا رب يعني بس انت كان ممكن تقولها له بطريقة تانية يا بابا اللي انت بتشوّفه ده حرام وانت غلط وانت لازم تبقى كويس صح لكن انت حولتها ان هو اللي هو اللي بيربيك. هو اللي بيساعدك. انت كده كده مش محتاجه في حاجة. انت ما كنتش هتفرج كده كده. لكن انت بتقول له ساعدني صل الفجر. طب طفوا التليفزيون عشان - 00:26:46

تربيوني خليته هو اللي ايه؟ هو اللي حاسس ان ايه معه يعني هو اللي بيهدل يعني بيتفق ازاي؟ هو اللي بيدير الایه؟ الموضوع دوت. تمام مش انت اللي ليه اللي عامل عليه - 00:27:06

ممکن مش لازم تتكلم في ساعة المنكر بالذیط ممکن تحضر له يعني انت عارف ان هم بيعملوا كذا غلط ممکن تقدع تدردش معهم وتحکي قصة عن ناس كانوا بيعملوا حاجة غلط - 00:27:21

سوء خاتمة وحسن خاتمة من غير ما تقول لهم ايه يا عم بتعملوا حاجة غلط ولا بتابع هم فهموا الرسالة بكل ادب ما بال اقوام يفعلون ايه؟ كذا وكذا تمام - 00:27:31

اه ممکن تخش عليه دخلة تانية مسلا السجایر تكلمه عن صحته تكلمه بابا يعني نفسي تبقى انا بحبك وانت قدوتي في الحياة يعني بردو دخلت ممکن تبقى دخلة مختلفة ارفق - 00:27:40

شوية من ان انت تحسسه ان بابا انت بتعمل جريمة. هو مش غلط انك تقول له انت بتعمل حاجة حرام عادي يعني. بس انت بتراعي النفسيه برضو شوية. هو الهدف المطلوب ان هو بيطل كذا مسلا - 00:27:50

فالدخلة بتفرق شوية. فعايز تبقى عندك نباهة. نباهة في الموضوع دوت. ابو هريرة رضي الله عنه وارضاه كان ارفق الناس بامه. امه كانت مشركة فقال كنت ادعوها الى الاسلام فتأبى علي - 00:28:00

قال فدعوتها يوما الى الاسلام فاسمعتني في رسول الله ما اكره. تخيل بقى! صعب اوبي يعني امه خلاص سبت النبي عليه الصلة والسلام. هيعلم ايه في ابو هريرة؟ ما عملش اي حاجة خالص خالص. ولم يتتجاوز حدود الادب - 00:28:15

لم يكلمها كلمة زائدة سابها خالص سابها جدا لو انت بقى عملوا معك كده ممکن تعمل مشكلة كبيرة في البيت مش كده؟ سابها وراح الى النبي عليه الصلة والسلام ببكي ببكي يقول يا - 00:28:33

اني ادعو امي وهي تأبى علي. ولقد دعوتها اليوم فقالت فيك كلاما اكرهه. يا رسول الله ادعو الله لامي ان يهديها. ادعو الله لامي ان فدعا النبي عليه الصلة والسلام لام ابي هريرة قال اللهم اهد ام ابي هريرة. عاد ابو هريرة للبيت افترق الباب - 00:28:46

فقالت امه بكل هدوء. خد بالك راجع البيت بيخبط على البيت. واضح ان هو ما خسرش امه خالص ولا قال لها كلمة تزععلها. والا ما كتش دخلته. خبط على الباب وداخل عادي بعد ما عملت كده في - 00:29:06

النبي عليه الصلة والسلام تخيل! فقالت على رسالك يا ابا هريرة يعني خليك مكانك. قال فسمعت صوت ماء. وسمعتها كأنها تغتسل ثم خرجت الي ففتحت الباب قال اشهد ان لا الله الا الله وان محمد رسول الله. سبحان الله - 00:29:16

فذهب ابو هريرة فرحان للنبي عليه الصلة والسلام بيقول لامي اسلمت امي اسلمت ادعو الله لي ان يحببني وامي الى الناس. فقال اللهم حب ابا هريرة وامه الى الناس. قال ابو هريرة والله لا يسمع بي احد ولا يسمع بامي الا احبننا. ما تجد احد في الدنيا الا وهو يحب ايه؟ ابا هريرة - 00:29:32

رضي الله عنه وارضاه. بعد الاسلام بقى كان بيعلم ايه؟ كان بقى بيطل اللالتزام كله في الام ديت. فكان بعد كده بيمر عليها والاول كان بيخبط الباب بس بعد كده كان يمر علي يقول السلام عليك يا امي. ورحمة الله وبركاته. فتقول عليك السلام يا بني ورحمة الله وبركاته - 00:29:52

يقول رحمة الله يا امي كما ربتييني صغيرا. وتقول رحمة الله يا بني كما بربتني كبيرا. ايه الجو ده؟ ده بيت ده ام دي امي بتعامل معها عادي ولا انت طبعا كل واحد متخيل ماما دلوقتي ايه ماما ايه دي ماما صعبة قوي يعني ما ينفعش تتعامل معها اصلا ليه - 00:30:12

ليه؟ ممکن يعني تتعامل كده. مش لازم بنفس الالفاظ يعني تتعامل بعبارات مسام مناسبة سهلة. الام تتقبلها جميلة ابو هريرة لما كبرت امه كانت كفيفة كان يحملها على ظهره. ويوديها اي مشوار يشيلها على ظهره ويلف بها عايزه تروح فيها اصرف ما يروحش شايلها وموديها. شايلها وجايبها - 00:30:32

قالوا ابو هريرة لم يحج حتى ماتت امه. ما راحش يحج علشان امه عايشة ان هو ما يقدرش يروح يحج ويسيبها. مين لها؟ ما لقاش غيره. فترك الحج شف الحج عبادة عظيمة ازاي. لكن هو يرى ان بره بامه اعظم - 00:30:51

من ذلك ان ما لهاش حد ثاني. هيعلوها لو راح. فاخر الحج حتى ماتت. امه رضي الله عنه وارضاه كذلك كان عثمان وكان حارت بن

النعمان. عائشة رضي الله عنها تصف عثمان وحارةة ابن النعمان بانهما ابر الصحابة بامهم - [00:31:11](#)

قالت كان رجالا من اصحاب النبي عليه الصلاة والسلام ابر من كان في هذه الامة بامهما. عثمان بن عفان وحارةة ابن النعمان قالوا عائشة قلت للرسول عليه الصلاة والسلام يوما يا رسول الله لقد نمت البارحة ورأيت اني في الجنة ثم سمعت صوت قارئ يقرأ - [00:31:30](#)

فقلت من هذا الصوت الجميل؟ فقيل لي هذا حارث بن النعمان. فقال النبي عليه الصلاة والسلام كذلك البر كذلك البر. يعني هو في المكانة دي بسبب بر يعني حارثة من النعمان بامهه رضي الله عنهم وارضاهم - [00:31:52](#)

الصحابة فاهمين الدين صح. احنا عندنا خلل في فهم الدين. لذلك عايزك انك انت تبقى رفيق رفيق. وانك انت تبقى معلم جيد لاهلك في البيت. المشكلة الثالثة انك انت بتكون انت السبب فيها برضوا ان اصلا اهلك مش شاييفين ان انت ملتزم - [00:32:12](#)

يعني انت عملت شوية شكليات بتتصلي في المسجد دقتك ولا ما عملتش عارف عملت ايه بس هم مش شاييفين حاجة اتغيرت سلوكك هو هو كلامك هو هو. آآ تعاملك مع اخواتك هو هو. تعاملك معهم هو هو. هو مش شايف ان انت التزمت اصلا - [00:32:32](#) هو بيحارب الصورة الغريبة اللي انت فيها ديت هو في الحقيقة لو عمل كده بيقى عنده حق ان هو شايف ان انت في غلط اصلا. مين قال ان انت ملتزم؟ ده انت فتنة للناس. هو مش عايزك تبقى كده. ولو انت كنت التزمت فعلا التزام شامل كامل. كان ممكن كان - [00:32:51](#)

ان قبل كده شاف فيك فعلا انك انت التزمت بجد نصيحة تانية اهلك خد بالك دي نفسية قليلة بس كلنا مرينا بتجارب وعارفين يعني ايه نفسية الاهل بيفكرروا ازاي؟ الاخ بيلتزم قرآن صلاة مش عارف ايه فهو في - [00:33:08](#)

فاكر ان هو مفترض يفرحوا به في البيت بقى اما يعمل كده. لأن هم الحاجات دي كلها مش بتلمسهم فاهمني الاهل مش هياخدوا بالهم الا من حاجة اللي بتلمسهم هم - [00:33:27](#)

هو ده الالتزام عندهم صل زي ما انت عايز صوم ما انت عايز. بس هو لو ما شفش فيه منفعة من الالتزام ده عادت عليه هو مش هيقيد الالتزام دوت. لذلك - [00:33:43](#)

من اخطاء ان انت مش بتتركز على منافع تعود على الوالدين مباشرة. يلمسوها بسرعة اول ما تلتزم عايزك اول ما تلتزم اكتر اتنين يحسوا ابوك وامك فعلا يحسوا ان انت التزمت بجد. ان هم شاييفين حاجات غريبة اتغيرت فيك ناحيتهم هم - [00:33:55](#)

مش اول ما تلتزم تركز على الحاجات اللي مش بيشوفوها. ورد قرآن الصلاة المسجد الاخوة الدروس. هم كل ده قاعدين في البيت ما بيشوفوش. هم بيشوفوك راجع زي ما انت - [00:34:15](#)

ما فيش حاجة متغيرة فيك فانت شايف نفسك ملتزم وهم شاييفينك ما فيش حاجة جديدة ما فيش حاجة عدت علينا يعني ايه؟ يعني انت عايز تكسبهم بسرعة اول حاجة في التزامك المصلحة اللي هتعود عليهم. تتركز فيها. بمعنى لازم انك انت - [00:34:24](#)

شوف كل حاجة كانوا بيكرهوها فيك قبل الالتزام تغيرها. كنت بتتسهر مع اصحابك بطل تسهر مع اصحابك حتى لو ملتزمين. كنت آآ مسلا ما بتتساعدش في البيت ساعد في البيت. كنت ما بتنزلش تشتري حاجة لمامتك هي اللي بتجيب كل حاجة. ابوك هو اللي بينزل انزل انت. قل لهم انا بعد كده من النهاردة انا نويت انزل اشتري لكم حاجات وبتاع. يعني - [00:34:42](#)

انا شايف ان ده انا بحبك يا ماما وبتاع وخلاص. بس هتحشبني ان انت هي حصلت حسنات عشان هم بيذعلوا من الموضوع دوت. يعني حسيت ان انت بتتعمل كده عشان بتحبها. مش هتعمل كده عشان اخد حسنات - [00:35:02](#)

سنات وخلاص سفلقة كده لأن انا بحبك يا ماما خلاص هو لازم تقول لها عشان انا باخد حسنات منك يعني. فهتحس ان انت ما بتتعملش بالنسبة لها انت ما بتتعملش لله يعني. انت - [00:35:12](#)

اعمل كده عشان تاخذ حسنات لكن انت ما بتحبنيش برضوا. هو بيتضايقوا قوي من الموضوع دوت. فهتبتدي انك انت تبيين لها الحنة ديت. آآ والدك ما كنش يحبك انت آآ - [00:35:22](#)

تنام في الصالون ما تنمث في الصالون. آآ مكان تحبك تنام بدرى. نام بدرى. آآ ما كنش يحبك انت تهمل في نفسك. ابتدى ايه؟

هندم في نفسك شوية الحاجات اللي هم كانوا بيتضايقوها منها كلها. حتى لو حلال يعني حتى لو بتعمل حاجة صح بس هم كانوا بيتضايقوها منها كل الحاجات دي اول حاجة تغيرها - 00:35:32

نبتدي ايه ايه ده الواد الجنة ولا ايه انا راجعة بدرى انا النهاردة قلت له آآقم قام يعني ايه قلت له نام نام الواد ده اتهبل ولا ايه؟ ايه يا حاج شف ابنك ما له - 00:35:49

لا يا حاجة ده دي اسار الدقن اصلا لك معلش. حلوة اوبي يا حج خليلك دقنه كده يا حاج الله يكرمك. طالما الموضوع كده حلو كده خليه بس المشاكل يا عم الحاج خليه. سبه بلاش تضايقه يا حاجة. ابوس ايدك ده احنا ما صدقنا بقى كوييس. انا عايزهم يقولوا كده. بيقى هم مش طايقين التزامك - 00:36:06

بس يعدوها. علشان في صالح كتير قوي حصلت. يا سلام بقى لو الموضوع بقى قلب بتقبيل يد تبوس دماغ ابوك تبوس ايد امك تبوس رجلها يا سلام بقى لو شوية هدايا بقى كده تجيب هدايا لو والدك محفزة قلم ساعة لو انت غني شوية موبайл تجيب لو والدك بوكيه ورد كل واحد بقى ايه - 00:36:26

والعلية بقى دكر بط الليل يمشي معها يعني كل واحد وماما بقى بتعاته بقى انت كل واحد ادرى ماما بتحب ايه. المهم تجيب لها الليه بتحب وخلاص. مش مهم بقى ايه هو ده يعني. واديها بقى كل اسبوع هدية كده. وكل ده انت بتمهد اصل لحيتك لسه بتطلع براحة ومش واخدin بالهم لغاية دلوقتي على فكرة. هيتفاجأوا - 00:36:46

وقريب ان في مشكلة كبيرة هتحصل. هيبتدي يتخانقوها مش هيعرفوا ليه لأن انت سبقت من ساعة ما خدت قرار مسلا ان انا التزم اول حاجة بدأت بها الایه المعاملة معهم. فعلى ما بان عليك - 00:37:06

انت سبتهم خلاص هيقول لك بطل التزام هقولها بطل كله. تاخدوها زي ما هي كده ولا ها؟ ارجع يا حكشة القديم. لأن بلاش حكشة الله يكرمك. خليلك زي بس انت المشكلة بدأت بالشكل قبل الایه؟ قبل التطبيق. تبدأ بالتطبيق الاول وبعد كده الشكليات ديت. او يعني اقصد هو كله دين يعني لكن المهم انك انت - 00:37:18

عامل حسابك للموبيوم دوت. فانت زنقتهم. هم فجأة تلاقوك طلب علم والتزام وماشي مع ناس مش عارف ايه. الله الله الله ما انت ايه اللي حصل لك؟ يبتدوا يترددا هيقدر يحاربك مش هيقدر. ما هو شاف في صالح كتير جدا. خدم الالتزام دوت. هدايا وبتاع. ما هي دي المشكلة يا اخواننا. هو الاخ اول ما التزم اول حاجة فالح فيها - 00:37:41

ماما على فكرة بقى عيد الام طلع بدعة. يلا. وعلى فكرة مش هجيب لك هدية السنة دي عشان حرام. يلا. متوقع ايه من ماما يعني؟ بتحب الدين تحب الالتزام هتكرهك انت والالتزام والشيوخ والشيخ اللي قال لك والمسجد وتحاربك طبعا. لكن انت لو سبقت من دلوقتي يعني احنا دلوقتي بس خلاص زنقت انت. من من قبل من اول السنة - 00:38:01

في شهر واحد قاعد انت تجيب كل اسبوعين هدية. جيت في شهر ثلاثة عديته كله حتى. عادي مش هزعل منك خالص. ولا هتقول لها بدعة ولا هي اصلا اليوم هيعدى عندها مش هتحس باي مشكلة. ان هي مش حاسة ان هي اصلا محرومة من حاجة عشان تفتقدها في اليوم دوت. فالملتزم مش - 00:38:24

هو اللي بيقول لماما عيد الام بدعة. الملتزم هو اللي بيجب هدية لماما. كل شهر على الاقل مرة او مرتين واضح يا اخواني الكلام دوت؟ هم بيكرهونا ليه؟ بسبب كده. انت ما فييش حاجة عندك غير حرام؟ يعني الدين ما فيهوش حلال؟ هو ما فييش غير - 00:38:41

غلط ما فييش حاجة صح بيامارك بها الدين؟ دي مشكلة تانية. مش كده؟ طب انا لو ركزت بقى على الجو دوت هيقدروا يتكلموا معك. خلاص يا ابني التزم على - 00:38:58

يا سلام بقى لو تفوقت في الدراسة كده انت جبت الایه القاضية معهم. تمام؟ تعال ناخده حته كده من السلف. لما ازاي فهموا الدين صح يعني ازاي فهمه؟ الدين صح. ازاي كانوا بيتعاملوا مع اهله؟ قال - 00:39:08

ابن عون نبئت ان رجلا دخل على محمد وهو عند امه. محمد ابن سيرين. محمد سيرين يعني معروف عن الناس ان هو جامد يعني.

فقالوا ما شأن محمد اشتكي شيان شافوه عندهم شافوه قاعد مع امه. فبصوا له لقوه شكله عيان كده. قالوا ما له فيه ايه؟ قالوا لا. هو بخير ولكنه يكون هكذا عندما يجلس - 00:39:23

امي تحس ان هو قاعد مع ملك تحس ان هو قاعد ايه خايف راجل سبحان الله! ففي في ام بتخاف من ابنها. بعد ما التزم عشان هو جامد بيرد علي جامد وهي ما عندهاش علم. تقول لك يا ابني انا جاهلة ما اعرفش اقول لك ايه. وقاعد هو يديها بقى. طلع بها كل الدروس فيها. واحدة واحدة - 00:39:47

امك بتخاف منك خلاص ليه ابن سيرين كان بيقعد قدام امه بتخاف منه. آآ هو بيخاف منها. تمام كان علي ابن الحسين اللي بيسمى زين العابدين علي ابن الحسين ابن علي ابن ابي طالب. كان كثير البر بامه - 00:40:08  
المهم هو كثير بر. فالناس شافوا عليه حاجة غريبة كده. قالوا له احنا بنشووفك ولما بتيجي تأكل قعدت مع امك ما بتتكلش معها. اشمعنا دي ما بتعملهاش؟ انت كويس معها في كل حاجة. ليه ما بتقعد - 00:40:26

تقعد معي بس ما بتتكلش. استناها تخلص وبعد كده انت ايه تاكل. فقال اخاف ان تسبق يدي الى ما سبقت اليه عينها فاكون قد عقلت حققتها. يعني انا امد ايدي اخد حاجة وهي قبل ما اخدتها كانت عينيها عليها. بس هي لسه ما مدتشر ايديها. فانا خايف اكون زعلت مني لو انا كلتها. طب انت ما خدتشر بالك. وانا بقول انا - 00:40:36

انا خايف خليها تخلص كل اللي بتحبه وبعد كده هناكل الايه؟ الباقي. انت ايه اخبارك؟ تعال كل دراعي يا ابني هو ده اللي ناقص ماما مش قادر جعاع خد جعاع خد ماما لازم تتغدي النهاردة - 00:40:56  
هات يا ماما. باقول لك ايه الورك ده شكله زيادة. هات يا ماما. يا ابني خد دراعي كله يا ابني. عارف انت الجوده؟ هو ده اللي بيحصل. يعني يعني في ادب عزيم - 00:41:16

اذا مع الوالدين. كان ابو حنيفة يغسل رأس امه ويقبلها عمر ابن زر لما مات ابنته قالوا كيف كان بره بك؟ قال ما مشي معي نهارا قط الا كان خلفي. ادب وما مشي معي ليلا قط الا كان - 00:41:26

اما مي احمني ولا رقى على سطح انا تحتم ابدا. انا عمري ما طالعة في دور انا في الدور اللي تحتيه من الادب مع الايه؟ مع الاب. شف التعامل يا اخوانا الناس فاهمة الدين ازاي. كان طلق ابن حبيب - 00:41:48

يقبل رأس امه وكان لا يمشي فوق ظهر بيته هي تحته اجلالا لها. اجلالا لها وكان ابن الحسن التميمي في يوم من الايام خرج عقرب في البيت جري وراه وامه موجودة في البيت جري وراه. فالعقرب دخل في جحر - 00:42:03  
هي عمل ايه؟ اموته ازاي؟ مش عارف يموتوا ازاي؟ هو شايفه في الجحر بس مش عارف يجيبه حاجة. فراح مدخل ايده وجابه بایده. فلدغه العقرب بس هو موتته بقى قالوا لما فعلت في نفسك هذا؟ قال خشيت ان يخرج العقرب فيلدغ امي. ما لازم اموته. ما هو ممکن يقول لك دخل الجحر سبه خلاص. فدخل ايده وجابه - 00:42:23

جه جابه بایده واتلدغ من عقرب قال بس امي ايه تسلم وما يحصلهاش حاجة تعال يا محمد في فرف المطبخ يا ماما ده فار يعني. ربنا يقويك. محمد تعال انت بتخاف من الفار؟ لا طبعا يا ماما - 00:42:46

خاف من اشتغل ايه بس؟ على فكرة الفار ما بيخلوفش يعني. طب تعال معلش عندي ظروف كده كان محمد المندبر يضع خده على الارض امام امه ويقول يا امي ضعي قدمك على خدي. كده من غير حاجة خالص. هو كده - 00:43:03  
ده العادي بتاعه يروح يحط دماغه على الارض يقول لها حطي رجلك فوق دماغي عشان اه تعرفي قيمتك عندي ناس فهمت الدين. ناس فهمت الدين صح سبحان الله وكان رجل في - 00:43:26

موسم الحج حمل امه على ظهره وطاف بها. فلقي ابن عمر وقال يا ابن عمر اتراني جزيتها؟ قال لا والله. ولا بزفة واحدة. من زفاتها وكان رجل يحمل امه في كل موطن. حتى كان في الخلاء يحملها - 00:43:41  
وكان يغض بصره عنها. فذهب حكى يعني لعمر رضي الله عنه هذا الامر هل اديت حقها؟ قال لا قال لقد حملتها على ظهري. وحبست نفسي عليها قال انت تصنع ذلك؟ هي كانت تصنع بك ذلك - 00:44:01

وهي تتنمى بقاوك. واما انت فتصنع ذلك وتتنمى فراقها. تقول امتي استريح من حج السنت التقيلة دي في نفسك حتى. لكن هي يوم ما كانت بتشيلك و كنت انت بتعملها وبتسويها وبتبهدل الدنيا. كانت بتفرح بك وتتنمى انك تعيش وتكبر. هيئات - [00:44:19](#) هيئات لن تصل الى بر الام ابدا من الخلل ايضا انك انت يبقى زي ما قلنا ان انت اصلا مش عامل ان البرده عبادة وتبتدي توازن بين العادات. يعني لما يتعارض البر مع عبادة تانية انت اصلا مش معتبر البرده في الميزان دايما بتقدم العادات الایه ؟ التانية -

[00:44:39](#)

دي مشكلة يعني مسلا واحد التزم الاخوة لابسين قفاطين والبسين طاقيات وبتاع راح عمل زيه. فقال اهله في البيت لقوه متغير كده مرة مش مسلا مش بيجروا للبس دوت مسلا. قالوا له يا عم التزم زي ما انت عايز بس بقى بلاش تلبس القفطان. مش عايزينك تلبس الطية ديت. بس دي كانت - [00:45:05](#)

راح هو زارجن ولازم بقى البس الایه لازم البس القفطان ولازم هالبس الطاقية خلاص طب تعالى بقى طب ليه هو الموضوع اصلا ما كان كان في يعني كان امر مستحب. كان ممكنتسيبه. وتكسب الوالدين - [00:45:27](#)

يعني في احيانا خلل كده يعني في الموازنات ديت. يبقى مسلا هم يتكلموا معك في المستحب و هتكسب به التزامك كله. خلاص سيب المستحب وعلى فكرة انت هتسبيه دايما لا هتسبيه مؤقتا لغاية ما يتعودوا عليك ويتعودوا على التزامك وبعد كده هتلبس اللي انت عايزه و هتروح اللي انت عايزه. قالوا لك ما صلي في المسجد ماشي. بس ما - [00:45:43](#)

بس تصلي و تيجي على طول. لا اصلي السنن في المسجد. ما تصليها في البيت اه لا ده في كلمة بعد الصلاة لازم اسمعها. يا عم مش لازم تسمعها روح البيت اكسبيهم وقلت لك دي فترة ايه ؟ مؤقتة بس نعدي المرحلة الصعبة دي. يعني مش لازم من اول يوم كل حاجة عايزها - [00:46:05](#)

يا تخسر كله يا تكسب كله لا. يعني هتوازن شوية. هتركز في الواجبات بس ان انا مش هينفع افاصيل معهم في الواجبات. بس اي حاجة مستحبة ممكنتسيبه ؟ اتساهم فيها عشان نعدي المرحلة دي بس - [00:46:23](#)

تمام ؟ فيه موازنات. ذلك السلف كانوا فاهمين القضية التعبد دي ان يعني بر الاب والام شيء مقدم على الامور المستحبة قال محمد بن المندر بات اخي عمر يصلي بالليل. و بت اغسل قدم امي - [00:46:34](#)

فوالله ما احب ان ليلى بيلىته يعني لو قالوا لي راجعة لنا الزمان قالوا لي تصلي انت مكانه طول الليل وهو يغسل رجل امك يقول لا والله ابدا اقعد انا طول الليل اغسل رجل امي ومش مهم اصلي خلاص. واليوم ده ما صلاش قيام ليل اصلا. بيقول بت اغسل رجل امي. قعد طول اليوم مع مع والدته قاعد يصليها - [00:46:53](#)

ضحكها ويكلمها ويفسح رجليها بس. قضى اليوم في كده. اي رأيك يوم بدل ما ما انت راجع البيت كل شوية اقفل عليك او ضنك وقاعد تزاكرا افتح عادي واقعد مع والدتك واقعد هزر - [00:47:12](#)

اضحك واتكلم واحكي حكاوي. قضي الليل كله معها يوم كده يا اخي هيحصل ايه يعني ليه دايما تخليلهم ياخدوا الصورة كده على طول اول ما تيجي ترفع نفسك الباب ما دي حاجات كده. اي حاجة بصوا يا اخوانا احنا في اول التزامنا لازم نضيق دائرة الصدامات قدر ما نستطيع. انت في حاجات كتير هم دلوقتي اتفاجئوا بها انك بتعملها جديدة - [00:47:22](#)

فانا عايز اقلل الاصدامات هم كده كده في حاجات هيكلموني فيها. فلو فيه حاجة ممكنتأجلها نأجلها ممكنتسمع كلامهم فيه ؟ اسمع كلامهم فيه عشان نعدي مش كل حاجة اصطدم معهم فيها. لكن حاجة حرام مش هعملها. حاجة واجب هعملها خلاص. خلينا في دي. لو في امور مستحبة يمكن التفاهم فيها يبقى نتفاهم فيها عشان - [00:47:44](#)

الامور تعدي. قال الحسن لا يعدل بر الوالدين لا حج ولا جهاد ولا صدقة نشوف بقى الكلام مثلا الامام ابن عساكر محدث الشام سئل يوما مرة اتأخر كان له درس اتأخر عليه - [00:48:05](#)

درس وهو محدث الشام. وكان في بلد تانية اتأخر جدا. قالوا لما اتأخرت ؟ قال لم تأزن لي امي في الخروج. قال لها عايز اروح درس في بلد تانية ومحدث الشام. قالت له لا خليك معي شوية. اقعد شوية مع. ليه ؟ اقعد كده وخلاص. اقعد - [00:48:25](#)

اعمل ايه؟ انت بقى لو قريت تروح ده درس ما ينفعش. الاخوة الشيخ بتاع ماما بقول لك ايه مع نفسك وانزل. طب ليه؟ قلت لها داعية عليك معلش الدرس اتأجل يتسجل. اسمعوا على النت اتصرف. احضروا بعدين. خلي واحد يجي يشرحه لك في البيت -

00:48:42

ما ينفعش انك انت تصطدم في حاجات ممكنا التفاهم فيها حيوا بن شريح ده بقى اصعب كان قاعد ده من ائمة المسلمين وكان قاعد في الدرس بتاعه فعلا. الدرس بتاعه وناس قاعدين اضعاف اضعافكم. فامه نادت عليه قالت يا حيوا قال نعم يا امي - 00:49:02  
هو في الدرس هو كان بيته جنب مسجد لازق في البيت. فهي بتنادي عليه سامعها يعني. قالت يا حيوا قال نعم يا امي. قالت قم واطعم الدجاج قال حاضر فهم اؤكل الايه؟ الفراخ واقول لهم استنوني شرائك الفراخ واجي. راح اكل فراخ ورجع الدرس. ايه رأيك؟ امام كبير جدا من المسلمين - 00:49:19

امام كبير ابن حيوى ابن شريح قالت امه اكل فراخ قال لها حاضر وقام اكل فراخ. عاديس ما فيش حاجة يعني في موضوع الام والناس قعدوا له واستنوه. وادينا بنتعلم منه لغاية النهاردة لو ما كانش قام كان حصلت له مشكلة - 00:49:40  
ابو حنيفة بقى العجيب بقى. ابو حنيفة امه كانت لما تحب تسأل في مسألة فقهية كانت تسأل عمر ابن زر. تحب تسأل عمر النز طب انا طب انا اسأليني انا. لأ. ما اسألکش انت. هو دايما الام بتتشفوف ابنها ايه؟ ما بتتشفوف ابنها. يعني الناس كلها بتتشفوف شيخ ماما تشفوف ايه آآ كوتى. يعني فاهم انت ايه كتكتوت دايما انت - 00:49:56

بتاعها فمهما كنت شيخ ما رحت جيت بقى بقيت العالمة الداعية العلامة الفهامة انت كتوته في الآخر عند ماما. يعني ايه بس مش قصدي ابو حنيفة طبعا يعني. انا اقصد يعني هي هي كانت ايه يقول لها طب اسأليني انا لأ هي عايزه تسأل عمر ابن زار تمام وهو - 00:50:16

ابو حنيفة اعلن من عمر ابن زار والناس كلها عارفين كده. وعمرو نزار نفسه بيسأل ابو حنيفة. فهي تقول له عايز اسأل في مسألة. يقول لها تحت امرك. تقول له - 00:50:36

قال لها حاضر. يروح جايب الحمار بتاعه ومركبها عليه ويفضل يسوق الحمار قدام الناس كلها ابو حنيفة سايق حمار وركب امه عليه. يقول له اين ابو حنيفة؟ قال الى مجلس عمر ابن زار. لماذا - 00:50:46

قال امي تزيد ان تسأله سؤالا طب اسألک انت والله قدر ربنا بقى نعمل ايه؟ رأي يروح بها وهو فرحان جدا ويروح ييجي عند عمار المزار يقول له يا سيدى امي تزيد ان تسألک سؤال وتسأله وهو الرجال هيتجنن - 00:50:56  
طب ابو حنيفة عندك في البيت ما تسائله لا هي عايزه تروح فكان يعني شف الادب بتاعهم اخلاقهم مع الامهات احد السلف كل امه فعلى صوته فاعتق رقبتين عشان علا صوته بس. الاخوة تطلع قدام سنة بالله عليكم عشان الدنيا زحمة. اذا قيل لكم تفسحوا في المجالس فافسحوا يفسح الله - 00:51:09

سئل رجل سأل ابن عباس قال اني ندرت ان اغزو الروم وان ابواي يمنعن غزو مستحب يعني او او فرض كفاية لو ناس راحوا خلاص يكفووا الباقيين اللي قاعدين - 00:51:32

فقال اطع ابويك فان الروم ستجد من يغزوها غيرك. يعني الروم مش هتقف عليك خليك انت مع والديك هم ما لهمش غيرك. والروم ربنا ايه؟ هيرسل لهم من يغزوهم. تمام؟ اويس القرنية لما النبي عليه الصلاة والسلام قال اويس القرني - 00:51:49  
خير التابعين صح ليه ما جاش قابل النبي عليه الصلاة والسلام؟ قالوا لانه كان بارا بامه. كانت امه ما تقدرش تيجي. ففضل معه. فوت صحبة النبي عليه الصلاة والسلام عشان خاطر ايه؟ عشان خاطر يقعد مع امه. هو عارف مكان النبي وممكن يجي له. ما قدرش يجي له لغاية ما مات. عشان امه ما كانتش تقدر تيجي معه. ففضل مع امه لغاية ما مات النبي عليه الصلاة والسلام - 00:52:07

وحرم اويس لكن لم يحرم والله انما فاز ببر الايه؟ فاز ببر الام من الحاجات برضو انك انت تعزل عنهم يعني انت مسلا في مع الوالدين انت مسلا بتتجنفهم في الحياة الحرام مسلا بتتفرج على التلفزيون تحاول انت ايه تقدر في اللوحة اه بيغتاب - 00:52:29  
وبتحاول ان انت تطلع البلكونة لكن المشكلة ان بعد كده بتبقى الحالة دي عامة. يعني ماشي كوييس اللي انت بتعمله. وبعد كده في

حالة عامة تطلع البيت تقول على نفسك وخلاص. حتى لو ما بيعملوش حاجة غلط - 00:52:49

طب ليه؟ يعني انت كده كده هتبعد عنهم في حته فما تخليلهمش يحسوا ان انت كارههم هم نفسهم. يعني اي مساحة ممكن تخلطهم فيها خالطهم. وليه انت ما تبقاش انت صاحب - 00:52:59

مبادرة يعني ليه انت رد فعل؟ ما تقول لهم طب تعالوا يا جماعة افسحكم النهاردة. خدهم في حته حال كويسة وكلوا واشربوا وارجعوا واتبسطوا. اقعد انت قل لهم النهاردة عايز عايز اكلكم في موضوع اقعدوا - 00:53:09

حكي وضحكهم واعمل مش عارف ايه. خدت انت زمام المبادرة بدل ما انت مجرد رد فعل وقاعد منكمش في البيت مش عايز تكلم حد وخايف كل حاجة هتبقى حرام وخايف كل حاجة طب ليه فلو في اي - 00:53:19

في مساحة من التعامل المباح. اتعامل على طول لان انت كده كده هتحاول تبعد عنهم في الحنة ليه؟ الحنة الغلط او الحرام ديت فوسع الدائرة المشتركة فيما لا يحرم. كذلك ابتسنم في وجوههم - 00:53:29

يخش البيت عبد انكماش. في ايه؟ زعلان. بيضحك مع الاخوة كلهم ويضحك مع الناس كلها. بييجي البيت قايل كده على طول تبصنك في وجه اخيك صدقة فكيف بتبسمك في وجه ابيك - 00:53:43

لا تنكر باليد مهما كان. هذه قاعدة جليلة في قواعد الامر. ان الامر بالمعروف والنهي عن المنكر قال النبي صلى الله عليه وسلم من رأى منكم منكر فلغيره بایه؟ بیده - 00:53:59

هذا مع كل احد الا الوالدين. الوالدين تنكر باللسان بس اعلى من كده لاعظم حق الوالدين. يعني ما ينفعش باباك بيشرب سجائر بروح واحد منه السيجارة. ما ينفعش. اخرك هتقول له يا بابا الغلط اللي بتعمله ده مسلا. حرام اي حاجة - 00:54:10

انت خدتها منه لـأ. تاخد العلبة تخبيها لـأ ما ينفعش وهم بيتفرجوا على التليفزيون تروح قالب القناة. هتنصحهم خلاص. اقصى حاجة انك انت هتنصح باللسان. اما الانكار باليد مع الوالدين ما ينفعش - 00:54:28

مع اي حد لاعظم حق الوالدين ما ينفعش ان الولد يتجرأ على الوالدين بالايده؟ باليد من الحياة انك انت تخليلهم يكرهوا التزامك مسلا. انك انت مسلا هم حاجة بيتضايقو منها - 00:54:41

فتقعد انت تنسبها للالتزام بمعنى ايه؟ انت مسلا تقول لهم كزا غلط. يقول لك ايه غلط من البيت عرف منين؟ الشیخ في المسجد قال لي. طب ما انت يعني انت بتقول لهم ايه؟ ما تودونيش تاني - 00:54:54

المسجد الاخوة قالوا لي في المسجد قالوا لي اتعلمت كده في الدرس النهاردة. يعني هم كده كده متترفزين من الحاجة اللي انت بتقولها فانسبها لنفسك. يعني قل قل قريتها على النت - 00:55:05

واحد في المشروع قالها لي اي حاجة لكن ما تقدرش تنزل بعد كده تقول لهم انا رايح فين؟ رايح المسجد المسجد ها تعال يا حبيبي خليك جنبنا. واحد بالك؟ كده يعني. ابدأ بدعة الاقرب منهم. دور في الاسرة على - 00:55:19

الاب والام اخوك اختك. مين فيهم اقرب واحد للالتزام ممكن تدعوه؟ بيتدى يرکز ايه؟ رکز عليه. ابتدى ابقو اتنين في البيت. بعد كده تبقو تلاتة. بعد كده تبقو اربعة كده تلاقي البيت كله ايه؟ كله التزم وده ده اللي حاصل مع كتير من الاخوة ان هي بدأت بالصبر وعمل كل القواعد ديت التزم بها والبيت دلوقتي اغلبه ملتزم او محب جدا - 00:55:32

الالتزام على اضعف الایه؟ التقديرات. طبعا من ذلك انك انت تكسر جدا من الدعاء لهم. تكسر جدا من الدعاء لهم. قال الله تعالى ان اشكر لي ولوالديك. فقال ابن عباس كما ان الانسان يصلی خمس صلوات في اليوم والليلة يجب عليه ان يدعو لابيه وامه خمس مرات في اليوم والليلة. وصلى - 00:55:52

رجل بجوار عروة بن الزبیر بن العوام قال فسمعته في السجود يقول اللهم اغفر للزبیر بن العوام اللهم اغفر لاسماء بنت ابی بکر. امه اسماء وابو الزبیر. فدیت حاجات ايه؟ مهمه. اخیرا - 00:56:12

اـه اسئلة سريعة جدا يكتر السؤال عنها هي مش مش دي الدين يعني لكن هي في مسائلتين دايما بيبقى فيهم مشكلة. هو طبعا الالتزام اوسع من كده. لكن دايما السؤال بييجي على الشكل لان الشكل - 00:56:29

اول حاجة باینة قوي احنا لو بدأنا مسلا اهو. واحدة لابس نقاب مسلا. فدایما السؤال بییجي في الحفة دي. دي اکبر صدمة بتحصل في البيت سواه كان النقاب او كانت اللحية دي - [00:56:44](#)

اکبر مشكلة بتحصل في البيت. مش قصدي بالكلام دوت ان دوت هو الدين او او ده جزء من الدين احد احد العبادات. لكن دي بیحصل فيها اکبر صدمة لان هي حاجة في الشكل - [00:56:54](#)

دي سابتة فيك على طول. فالناس بیحصل مشكلة معهم. فبیجي السؤال دایما واحدة عایزة تنتقب وتقول لك انا اهلي في البيت راضفين اعمل ايه هنجاوب الاجابة على محورين. الحاجة الاولانية - [00:57:04](#)

في وسیلة سابتة معنا على طول. وفي وسیلة حنقولها متدرجة هي الوسیلة الثابتة. الحاجة اللي هنعملها من الاول للآخر. اول حاجة الصدق مع الله. ان يكون اصلا الاخت اللي عایزة تلبس نقاب صادقة مع الله في هزا الطلب - [00:57:19](#)

ان في احيانا كتير بیبقى اللي بیتكلم اصلا مش صادق هو مش عایز. وزي ما يوم ما بیقول لك اهلي مانعني مش عارف ايه لكن هو من جوة هو اصلا مش مش ناوي اويء. لو صدق مع ربنا - [00:57:34](#)

انا ما شفتش حد صدق مع ربنا في حاجة الا ربنا بیسراها له. حتى لو كل الارض بتحاول تمنعه بنجد ان ربنا سبحانه وتعالی بیسراها له. بیبقى الصدق الاول فيما تطلب. يعني اتهم نفسك الاول - [00:57:44](#)

خلص مشكلتك انت الاول. الصدق. نمرة اتنين التوكل على الله فقط. لا على كلامك ولا على دعوتك ولا على ابوك ولا على الاهل ولا على اي حد اعتمد على الله اعتمد على الله فقط في طلب هذا الامر. الحاجة الثالثة الدعاء ان تكثري من الدعاء جدا للابوين. ربنا بيرق قلبهم - [00:57:54](#)

ان هو ربنا يحبهم في الموضوع ده. ان يا رب يعني ما يرفضوش دعاء طويل جدا. الحاجة الرابعة ان تكثري من العمل الصالح لكي ربنا يكرمك من ديفدي. يعني تعملي اعمال صالحة كتير عشان ربنا يكافئك على دي في دي. دي مشكلة مش قادرة عليها. طب انا هاجي لها من ناحية تانية. ها عمل اعمال صالحة - [00:58:14](#)

عشان ربنا بیسر لي الامر المعلق الایه؟ اللي متکعب دوت. فربنا يفرجه بسبب عبادتك اللي هي اللي عملتيها مقابل الموضوع دي الحاجة اللي هنعملها على طول. طيب ايه هي بقى الحاجة اللي هندرج فيها؟ اول حاجة هنفترض ان انت مش هتطلبني من اهلك النقاب. لا انت هتطلبني منهم حاجة زي ما كنت بتطلبني زمان - [00:58:34](#)

اتفسح. عایزة فلوس. عایزة آآ اجیب هدوم معینة. عایزة آآ اخرج مع اصحابي. لما كانوا بيرفضوا كنت بتعملني ايه؟ نفس الموضوع كان في الحاج صح؟ كان في كل واحدة لها طريقة مع ماما مع بابا. كل واحدة عارفة مدخلها يعني. اه بطريقه الدلال بالاقناع بالزکاء - [00:58:54](#)

اھلها مهارة في التعامل مع الاب والام عارفة مداخلهم ايه هدية؟ كلمة طيبة ممكن يحصل تمھيد بزکاء. نفس اللي كان واحد بيعمله او كان الواحدة بتعمله في طلب الشيء الصعب عارفة ان هي والدها مش هيرضى ان هي تخرج النهاردة. مش هيرضى ان هي تروح الفسحة ديت. مش هيرضى ان هي تجیب الهدوم ديت. كانت بتجيبيها - [00:59:14](#)

اذاي كانت تعمل كده؟ نفس الاداء ده هو اللي هتعمليه في طلب الایه؟ النقاب. هتقول لي لا ما نفعش ان الموضوع ده نقاب والموضوع اصعب هنخش في موضوع تاني. يعني المهم ان ينبعي الحزر من حاجة معینة. ان لما الاخت تكلم الموضوع ده بلاش يعني برضو موضوع الایه؟ اصل آآ لازم اعمل كده وحرام ما - [00:59:33](#)

كده فايه بیتشد بالموضوع ده ليه؟ لان الوالدة مسلا مش منقبة مسلا. فلما هي بتقول لها لازم اعمل كده وحرام وواجب والكلام ده. وممكن هي الوالدة ايه بتعمل رد فعل عدائي؟ لأ طب مش هتلبسيه. فممکن حاول نجيبيها بطريقه تانية. طريقة تانية بحیس ان هم يقتنعوا. نجيبيها بالاقناع. يعني مسلا ممكن الاخت تتعلل - [00:59:51](#)

بالمعاكسات مسلا. او قبل كده ان هي الاول تبدأ تحاول تقنعهم بطريقه تانية. يعني تجیب تحاول تقنع الوالد ازاي؟ مسلا تسأله عن واحدة قریبتهم منقبة. تقول ايهرأيك في فلانة - [01:00:11](#)

يقول لك والله ست محترمة وطيبة بس اسألية كده وخلاص عدي يومين ثلاثة. تاني تسائلية عن واحدة تانية منقبة في العائلة. والله ايه رأيك في فلانة؟ هتقول والله الست دي طيبة ما شفناش منها حاجة - [01:00:21](#)

احسن ناس بعد فترة تقول له تاخديه بقى تنزل لي معه مسلا في الشارع وتقول له بابا عايز اشتري هدوم وتعال معي انا بحبك تيجي معي بحبك تقللي لي هدومي وتخشوا المحل - [01:00:31](#)

وبعد كده تبتدى تنقى اللبس الواسع. او تنقى النقاب. قلت له يا بابا نفسي تشتري لي دوت. انا بحبك قوي. نفسي تشتري لي دوت. نفسي ابقي زي فلانة. ان انت قلت لي عليها - [01:00:41](#)

كويسة. انا فعلا بحبها وواخدتها قدوة لي. نفسي ابقي زيها. نفسي انك تشجعني على كده. انا عايز الكلام يجي منه هو مش منك انت. لان هو لما طول ما بييجي منك بيبقى فيه دايما ايه استنفار كده يعني. لكن لو جه ان هو اقتنع بالموضع دوت بيبتدى الموضوع بيبقى سهل - [01:00:51](#)

فممكן يقول طب وماله خلاص ده انا اللي قايل لها بلساني فلانة دي كويسة وفلانة دي كويسة. هاجي اقول لها دلوقتي ايه طيب؟ فيتخرج ممكן الاب فممكן يتشجع يجيب الایه؟ يجيب اللبس دوت - [01:01:09](#)

فتخليلها تيجي منه انت اللي جبت لي هدومي انت السبب اقعد في ان انا عملت كده. جزاكم الله خيرا. او قبليلها طبعا تكوني ممهدة بحالة بر كبيرة قوي. يعني هدايا بقى - [01:01:19](#)

في الفترة اللي قبل ما هتقولي لهم الایه الرغبة ديت هيبيقى في هدايا وفي تقبيل ايدي وفي في حاجات كتير قوي تعمليها تمهدى للایه؟ للكلمة دي ان هي لما تتقابل ما تتقابلش - [01:01:29](#)

بصدمة قوية. طيب موضوع برضو ما جابش نتيجة. هبتدى ان انا اخش في خطوة جديدة ان احنا نبتدى نتحجج بالمعاكسات. ان هي الاخت بتتعرض لمضايقات في الطريق و بتتعرض معاكسات وفي تحرشات والاولاد بيعاكسوني واللبس دوت مش عامل لي حماية من الشباب والشباب فاسد والجامعة فيها مشاكل. وانا ما فيش حل انا لي واحدة صاحبتي - [01:01:39](#)

النقابة هي الوحيدة اللي كويسة وما حدش بيكلمها فتبتدى تطلبى كده من باب انك انت عايزه تعفي نفسك وعايزه ما تتعرضيش مضايقات ممكן الوالد حمية تاخده فيوافق بسبب ان هو مش هرضى ان بنتي تتعرض - [01:01:59](#)

المعاكسات تمام فممكן يوافي الباب دوت. لا ما جابتني برضو نتيجة بتبتدى تحاولى تجيبي قريب. حد من القرايب يكون متهمس للقضية ديت. بيتدى يحاول على الوالد يأسر على الوالدة يكون بيشجعك يكون معك. يحاول يأسر عليهم لغاية ما يوافقوا. لا ما جابش نتيجة برضو. هنننتقل بقى لمرحلة لايه؟ مرحلة البكاء - [01:02:12](#)

ده السلاح الفتاك لاي بنت. هل بكاء عايز بقى البكاء اللي هو ايه بيعقطع القلب بقى. ده فعلا بيعمل شغل يعني. الوالد بالزلات طبعا ماما ولا كأنك لكن الوالد ممكן يتأسر يعني. البكاء اللي هو ايه اللي هو محن او اي يعني عارف انت؟ اه اللي هو بيعقطع القلب ده. بكاء - [01:02:32](#)

بقى بكاء بقى وتقعدي في الاوضة وتقفلي على نفسك شوية وتعملني زعلانة وبتاع يعني ممكן الوالد يتتأثر ويمكن يوافق علشان بس انت بدأت تحطمي نفسيا. برضو ما جابش نتيجة وما حدش عبرني. هننبدى بقى نتعامل. التعامل هننبدى تقل لي الخروج من البيت قدر المستطاع. تمام؟ بعد - [01:02:52](#)

ممك وانت خارجة في حلين. الحل الاول ان انت تجيبي النقاب عادي او يعني حاجة غطاء للوجه. وتلبسيه برة البيت من غير ما يعرف. خلاص تجيبي قفاز تلبسيه وتلبسي نقاب - [01:03:12](#)

برة البيت واول ما ترجعى البيت بتقلع عليه ولا من شاف ولا من دنيا. طب هم عرفوا واو حسوا هنننتقل للمرحلة اللي بعد كده. ان احنا هنجيب نضارة نضارة شمس كبيرة - [01:03:23](#)

اويلي بتغطي تلت تربع الوش دي و هننبلس صيف شتا شمس مش شمس شتا اي حاجة هي هننبلس النضارة جوة برة النضارة الكبيرة ديت لبس ممك تحطىها تلبسي الكمامه بحجة الایه؟ في حجة العدوى والكلام ده. خلاص ما حدش شايف منك اي حاجة

يختبطوا دماغهم في الحيط. او تبقى في منديل حطاه - 01:03:33

بواجهك اغلب الايه؟ اغلب الوقت. فلو نزل الوالد معك هتبسي النضارة وتحطي بقى المنديل اغلب الوقت علشان او تلبسي الكمامه  
دي في حجة الايه؟ العدوى بعد كده آه بتبدي تقدى كده فترة شوية - 01:03:53

وبعد كده نبدأ من الاول تاني. تهدي شوية وبعد كده نبدأ تاني الالحاح والاقناع والدعاء والبر والكلام ده كله. لغاية ما بازن الله تعالى  
الامور هتتحل. هي مش هتيجي غير كده. عايزه جهاد. طب ليه ربنا يقدر علينا كده عشان تتمسكي بالنقاب ده جامد جدا بعد ما  
تلبسه. تعرفي قيمته. ساعتها عمرك - 01:04:07

ابدا. طبعا اهم حاجة ما تخليش بابا يسمع الدرس ده ابدا طولت عليكم النهاردة خلاص اخر حاجة طيب صاحبنا ابو لحية ده طيب  
هنعمل معه ايه؟ الغلبان ده اللي بيتطحن في البيت. ايه هو السؤال دايما برضه صاحبنا اللي عايز يربى لحيته دوت وفي البيت  
بيحاربه - 01:04:27

اعمل ايه؟ نفس الكلام بس انت امرك يعني ايه هنتك عليك شوية. لانك انت راجل. بمعنى كده انت اول حاجة انك انت هترفض.  
وتشوف هيحصل ايه. انا آآه تقول لي اصلك هتفز. تقول لهم لأ انا ايه هربى لحيتي. يلا - 01:04:51

هيبتدى ايه؟ الحرب. لو الحرب مجرد حرب كلامية او ضغط او جزب وشد او كده عادي استحمل وخلاص. يعني انت مش مضطرك انت  
انت تعمل حاجة. ومش هيعرفوا يعملوا عادي ما تطيعهمش وسيبهم وهم يتخانقو معك ويزعقوا لك ويعملوا بتابع ويحببوا لك ناس  
ويحاولوا يقنعواوك. طالما احنا في معركة كلامية - 01:05:09

خلاص اسبت وخلاص هو شوية وقت بس زي ما قلنا كان المفروض تمهد للموضوع ده باعمال صالحة كتير معهم عشان يعدوها. لو  
انت اتأخرت يبقى لازم بالتوازي مع القرار ده انك انت - 01:05:28

تكون محضر بر طويل اوي مع الوالدين عشان يوم ما تقول لهم القرار دوت يبقى الموضوع ايه اسهل شوية. تمام؟ هتتحمل بقى  
تتحمل الحرب الايه اللي هتحصل عليك دي شوية وتسحب شوية لغاية ما هم مع البر الشديد بتاعك خلال الفترة بتاعة التحمل دي  
هيبتدى يهدم ويبيتدي يفوتوا الموضوع ده عشان هم شافوا - 01:05:38

اتغيرت جدا من ساعة ما خدت الايه؟ القرار دوت. لو الموضوع بقى ايه؟ ممكن تلجاً للمفاوضات. تقول له طب اه بص سيبني اربى  
لحيتي واوعدك السنة دي امتياز لو ما جبتش امتياز حلقلها - 01:05:58

دبست يا حلو. ضعت كده انت. طب اوعدك اوعدك ان انا ايه الحاجة الفلانية اللي انت ما بتجيهاش فيها دي هبطلها. بس دي اقساط  
ديت. ايه رأيك؟ اه ممكن ايه يحصل مفاوضات يعني - 01:06:11

ما جاتش المفاوضات وبعد كده الموضوع اتطور بقى. قلب بطرد من البيت وتهضر جامد وهيحصل مشكلة كبيرة. وفعلا بص لو  
تقدير تستحمل استحمل برضو. لا وصل مرحلة اكراه بقى انا مش قادر استحمل خلاص. بيتدى يتفاوض على يعني التهذيب بس. تقول  
له طب بابا بص ايه هسوبيها بس. طبعا يعني ايه ما تجيهاش يعني خلاص - 01:06:21

تحاول ان انت ايه توصل لحل وسط معهم ما لا يدرك كله لا يترك زله يعني. فتحاول انت توصل لمرحلة وسط. بعد كده برضو تبالغ  
في البر وشوية شوية تروح سايبها تاني - 01:06:41

هم ايه؟ هيعدوها. مع ادمان الدعاء لهم والاستمرار في البر وتكرار المحاولات. وبازن الله تعالى الامور تعدى بسلام. سؤال تالت اه  
بتيجي تسلم مرة واحدة الاخ التزم مش هيسلم على قرايبه البنات دي مشكلة كبيرة صح؟ بس دي امرها سهلة بس ما حدش يقدر  
يجرك عليها يعني خلاص - 01:06:51

انت هتقول له مش هسلم خلاص هتعملا ايه يعني؟ هتروحوا قايل لهم يا جماعة انا خلاص آآتيجي تسلم تقول لك لا والله انا اسف  
ما بسلمش ليه؟ والله الرسول عليه الصلاة والسلام ما كنش بيصافحني سينفعش لازم - 01:07:11

سلم دي عرفتك دي زي مامت زي بابا ما ليش دعوة. انا مش هاسلم. ما دي سهلة انا مش هيعرفوا يعملوا معك حاجة فيها. او  
احيانا بيعرفوا يعملوا يعني. كان عندنا اخ ايه - 01:07:21

قرر ان هو ما يسلمش على على قرائيه خالص البنات يعني. اللي هم مش محارم يعني. فراح لقى مرات عمه في وشه. هي كبيرة بتسلم عليها قالت له قال لها لا مش هسلم عليك الرسول عليه الصلاة والسلام نهى عن ذلك. يا ابني سلم علي انا زي امك فراح حط ايديه ورا ضهره. فراح حضنته وباسته - [01:07:31](#)

قالت له ولا ده انا زي امك. طبعا هو حط ايديه ورا ضهره. ما فيش مقاومة. راحت هوب. اديته واحدة كده فقرر يسلم يعني بعد كده يعني ممكن تحصل مرة ان شاء الله وتبقى كويسة. انا قصدي ان الموضوع ده اللسعة دي هي مرة. بمعنى ايه؟ يوم ما هتبطل تسلم - [01:07:49](#)

هي مرة واحدة هيتحرجوها كلهم بعد كده هم نفسهم مش هيرموا نفسهم تاني معك. اول ما هتخش يقول لك ايه عم الشيخ دخل ما حدش يسلم يا بنات ها عشان ما تحاربوش نفسيكم - [01:08:09](#)

آخر حاجة الافراح والكلام دوت يقول لك تعال معنا الفرح مش تعال معنا الفرح. ارفض برضو. هيزعلوا وبتاع مش مهم. هيزعلوا طالما الفرح فيه منكرات كتير. لو الموضوع بقى نوصل لمرحلة بقى كبيرة قوي ممكن اخرك قوي يعني اه تقضي معهم اليوم في الاول كده قبل ما يخشوا القاعة. واه سلامات وطيبون والف مبروك. وساعة الجد تروح انت ايه - [01:08:21](#)

تروح بتبع خالص. ولما يا جماعة تيجوا ماشيين يتصلوا بي هاجي معكم. يعني انا كلام فيه آآ رسائل كتير لكن حبيت الم موضوع على قد ما اقدر. في بس واحد لكن عايز اقول يا اخواننا دي اساسيات اساسيات في التعامل مع الالتزام الوالدين مهمة جدا القضية ديت انا عايز انا بقول لك النهاردة عشان - [01:08:41](#)

انت تكسب علشان انت التزامك يفضل بدل جهل في التعامل مع الوالدين في اول الالتزام يؤدي الى اصطدامات انت اللي بتخسر في النهاية هو مش هيخرسروا حاجة وممكن انت تأديهم بنفسهم ان انت توقعهم في غلط هم ما كانواش عازفين يقعوا فيه - [01:09:01](#)  
لكن بسبب تعاملك السيء انت اللي ركبتهم ليه؟ ركبتهم الغلط دوت. فلا بد ان احنا يا اخواننا نحسن التعامل مع الوالدين كشيء اساسي. لا يسمى الملزوم ملزوم حتى يكون بارا بوالديه بالطريقة اللي احنا ايه اتكلمنا عنها. نسأل الله ان يتقبل منا ومنكم صالح الاعمال. اقول قوله هزا واستغفر الله - [01:09:17](#)